

## Op dr reihte Wegg jewi=ese

### E Stöckske op Lengtöper Platt vom aule Metzker Wellem Stenkes

Jean Frohnhoff am Kalter

## Op dr reihte Wegg jewi=ese . . .

E Stöckske op Lengtöper Platt vom aule Metzker Wellem Stenkes

Der aule Metzker Stenkes wor als juhde, deffige on reselutte Me=ister bekannt. Och als Lierme=ister wor he juht anje= schriewe. Die Jonges, die bei öm jeliert hant, sind juhde Geselle on lahter (später) och juhde Me=ister gewode. — Et wor ens en Tiet, do hat dr Me=ister Stenkes dre=i Lierjonges, äwer echte Lenktörper Jonges. Se wore an sech braf on fließig, äwer och för jiede Stri=ek te hann. Üwer Dagg diede se nett on ordentlich ör Arbet, on de Me=ister wor juht met denn dre=i te= friede. Äwer des Öwens, wenn die Jonges en et Dörp ginge, dann fing dr Me=ister schon an te schänge. „Nitt dat ihr mech widder allerhand utheckt, on dat morge dr Poleze=i Fenk sech widder beschwiert. Wenn ech Klage hühr, sollt ihr watt er= lewel!“ An sech hat dr Me=ister gegen ne kle=ine Stri=ek nix, äwer dat se immer su laht no Hus kohme, dat konnt he nitt verdrare, un he simmelierden, wie he öne dat afgewöhne konnt. Als de Jonges am Owend widder en et Dörp ginge, seiht de Me=ister: „We van owend nitt öm halwer Tien te Huhs es, kömt vor de to=ue Dühr, haht ihr datt verstange?“ De Jonges grinsten sech jett on wohre fott. Se seihden sech, et mot jo nitt immer de Dühr sin, et jeiht och angesch, eren kume wir doch. De Me=ister, de jo och nitt j=ehde Owend te Huhs wor, on völl be=im Sting am Kote wor, kom äwer be=i tiede nach Huhs on schloht alles juht af. Üwer en Stond log he nu ald wach em Bett. Von dänn Jonges wor

äwer nix te hüre on te senn. Am angere Morge wore se wie immer pönktlich em Schlachtes. Dr Me=ister wor nitt watt he sare soll: alles afgeschloote on doch em Huhs! De ganze Dagg liep de Me=ister met dem Gedanke eröm: wie sind die Jonges blohs no benne jekuhme? Et li=et em kenn Ro=ue. Em Lo=uf vom Dagg hat dr Me=ister och em Keller te don, do soch he, datt et Kellerfenster ope stong, die doch sös immer all tou wore. An däm Kratzer an der Wank konnt mr senn, wo se erronger geschrankelt wore. „Su“ seiht de Me=ister, „he=i es de Eng= gang, we de Dühr afgeschloote es. Do solle se äwer Spaß dran han!“ Am Owend, als de Jonges widder em Dörp wore, stellten de Me=ister e grut Küwe met Wahter onger et opene Kellerfenster, on met nem anständige Rö=ekesknöppel bewaffnet, blief he em Keller, bös de Jonges kohme. Et durden nitt te lang, do komen se ahn. Dr ischte kohm dorch et Fenster gerutscht, on plumbs en et Wahter. „Wat wor dat?“ riefen se von owe, „Nix!“, seiht de= von onge „et alles em Lu=et (Ordnung), kommt mär!“ Ne Ougenbleck lahter stonge alle dre=i bös am Kni= e em Wahter. Jetz kregte die Dre=i och noch Stri=et ongere=in, we de Schuld haht, datt se en et Wahter gefalle wohre. Äwer dr Me=ister met dem Rö=ekesknöppel mi=ek rasch von allem e Eng. Von der Tiet an wohre de Jonges kuriert, un kohme be=i Tiede no Huhs.

Jean Frohnhoff am Kalter

